

毛

詩

異

文

箋

毛詩異文箋卷九

鹽城陳玉樹

時維姜嫄 時維后稷 寔命不同 寔命不猶

生民時維姜嫄箋時是也時維后稷箋云是爲后稷案時乃寔之段借小星傳寔是也時維姜嫄時維后稷猶晉語云寔爲惠公寔爲悼公魯頌云實維大王商頌云實維阿衡與此文義亦相侶實亦寔之段借也寔从宀是聲時古文作𡗗从日出聲出與是古通用殷武四方之極後漢書王符傳潛夫論浮侈篇作四方是極書無逸惟耽樂之從漢書鄭崇傳論衡語出篇之作是莊子徐無鬼之狙也釋文之本或作是止聲是聲之字亦通用也書無逸時舊勞于外中論作寔舊勞于外說見古文尚書撰異是其證時寔又皆與是字通用巧言亂是

用饒列女傳楚考李后傳作亂時用饒素或謂時寔訓是
誓是能容之是不能容禮記大學是作寔
卽是之段借說亦通

載震載夙 肅肅免豳 曷不肅雝 或肅或艾 肅

肅在廟 肅雝顯相 至止肅肅

載震載夙箋云夙之言肅也於是遂有身肅戒不復御案
鄭以夙爲肅之段借周南肅肅免豳思齊肅肅在廟傳並
曰肅肅敬也何彼襮矣曷不肅雝清廟肅雝顯相傳並曰
肅敬雝至止肅肅箋云肅肅敬也小旻或肅或艾傳云有
恭肅者大戴禮保傅篇並夙端冕白虎通義姓名篇引作
齊肅端綬魏書引作齊肅端冕是肅夙古字通太平御覽

五百二十四引詩作載震載肅

先生如達 不我活兮 實函斯活

載芟
良耜

先生如達毛傳訓達爲生說者皆不得其解段玉裁訂詩傳增一達字云達達生也其說尤謬蒙謂如讀爲而傳生字乃生活之生婦人首產多難有甫生而不活者先生而達言胎之不殞也達卽活之段借擊鼓不我活兮傳不與我生活也載芟實函斯活箋活生也良耜實函斯活箋云含生氣竝訓活爲生達活疊韻儀禮旣夕記設依撻焉注今文撻爲鈛撻之通作鈛猶達之通作活矣活說文作渫鈛說文作鈛皆昏聲殷武傳撻疾意也撻乃适之段借說

文是部适疾也

無蓄無害 不裁我躬 無災無害

無蓄無害釋文蓄音災召旻不裁我躬釋文裁音災閼宮
無災無害釋文災字又作灾本亦作蓄案說文艸部蓄不
耕田也从艸𠂔田重文作𦵏火部裁天火也从火𠂔聲灾
或从宀火災籀文秋古文裁災本一字蓄係段借漢書燕
刺王旦傳從高帝墾蓄除害嚴助傳是以比年凶蓄害眾
董賢傳蓄害竝臻匈奴傳下雲徹席卷後無餘蓄師古竝
曰蓄古災字書堯典省災肆赦史記五帝紀作𦵏裁過赦
微子天毒降災荒殷邦宋微子世家作天毒下蓄亡殷國

五經文字舊本側其反經典或借爲災左氏僖元年傳分災討罪周禮大宗伯疏災作裁

藝之荏菽荏菽旆旆 戎醜攸行 肆戎疾不殄 戎

雖小子 戎有良翰 續戎祖考燕民韓奕 以佐戎辟

肇敏戎功 念茲戎功

藝之荏菽荏菽旆旆傳荏菽戎菽也箋云戎菽大豆也案毛公卽讀荏爲戎荏與戎古字通用周禮天官疏引詩正作藝之戎菽戎正字荏借字也縣戎醜攸行思齊肆戎疾不殄民勞戎雖小子烝民續戎祖考韓奕續戎祖考江漢肇敏戎功烈文念茲戎功毛傳竝曰戎大也崧高戎有良

翰韓奕以佐戎辟正義申毛竝訓爲大戎大釋詁文唐韻
正二十一侵或疑侵韻在古可入東者詩七月八章二之
日鑿冰冲冲三之日納于凌陰則讀陰爲雍矣雲漢二章
后稷不克上帝不臨耗斁下土寧丁我躬則讀臨爲隆矣
蕩首章天生烝民其命匪諶靡不有初鮮克有終則讀諶
爲戎矣楚辭天問比干何逆而抑沈之雷開何順而賜封
之則讀沈爲蟲矣九辯願賜不肖之軀而別離兮放游志
乎霓中乘精氣之搏搏兮鶩諸神之湛湛騭白霓之習習
兮厯羣靈之豐豐則讀湛爲蟲矣後漢避煬帝諱改隆慮
曰林慮荀子書亦作臨慮則讀林爲隆矣又易豫九四朋

盜簪荀爽本作宗詩我躬不閱表記引作今與爾臨衝韓
詩作隆衝觀顧氏所言可無疑於荏之讀戎矣

瓜𦏧𦏧𦏧 𦏧𦏧𦏧𦏧

瓜𦏧𦏧𦏧傳𦏧𦏧𦏧然多實也案董氏引崔靈恩集注本作
瓜𦏧𦏧𦏧說文口部𦏧大笑也从口奉聲讀若詩瓜𦏧𦏧
𦏧𦏧𦏧係正字𦏧𦏧𦏧係借字王引之詩義述聞曰瓜𦏧𦏧
𦏧𦏧傳曰𦏧𦏧𦏧然多實也家大人曰𦏧𦏧𦏧茂盛之兒不必
專訓多實說文珎讀若詩瓜𦏧𦏧𦏧是𦏧𦏧𦏧本作𦏧𦏧𦏧瓜
𦏧𦏧𦏧猶言麻麥𦏧𦏧耳說文𦏧𦏧𦏧盛也大雅卷阿篇𦏧
𦏧𦏧𦏧毛傳曰梧桐盛也廣雅曰𦏧𦏧𦏧也是𦏧𦏧𦏧爲草

木茂盛之稱孫王鉞曰未有多實而不茂盛者毛言幪幪然茂盛則麻麥之多實可知言嘒嘒然多實則瓜瓞之茂盛自見對舉之互文也

弗厥豐草 以弗無子

弗厥豐草傳弗治箋訓爲除治云后稷教民除治茂草案除者去也悉蠲傳斯干釋文竝曰除去也正義曰弗治釋詁文今釋詁作弗治是弗與弗通首章以弗無子傳云弗去也弗與弗皆拂之借字文選顏延年應詔譙曲水詩注引詩傳曰拂去也云拂亦作弗古字通御覽五百二十四引詩作以拂無子弗厥豐草韓詩作拂厥豐草云拂弗也

韓用正字毛用借字儀禮既夕注拂去塵也太予從拂其惡注拂去也廣雅釋詁拂去也又曰拂除也除與去皆拂之本義成十六年左傳其右莠翰胡周語注引作右弗

或簸或蹂 羔裘如濡

說文蹂爲去之篆文云獸足蹂地也或簸或蹂箋云蹂之言潤也案鄭以蹂爲濡之段借也鄭風羔裘如濡傳如濡潤澤也周頌懷柔百神釋文柔如字本亦作濡宋書樂志明堂歌曰昭事上帝懷濡上靈北堂書鈔禮儀部引毛詩懷濡百神烝民柔則茹之箋柔謂濡脆也濡脆卽柔脆束門之池傳漚柔也漚柔卽漚濡周禮山虞注堅濡調堅濡

卽堅柔

釋文濡或如充反又音柔

史記刺客傳誠知其姊無濡忍之志

濡忍卽柔忍莊子徐無鬼釋文濡安也濡安卽柔安

民勞傳抑

箋苴曰柔安也

淮南子說山訓厲利劍者必以柔砥擊鐘磬者必

以濡木濡木卽柔木禮內則柔其肉注柔之爲汁和也汁

和亦醢醢與柔亦濡之段音下文云欲濡肉則釋而煎之

以醢是也柔之通作濡猶蹂之通作濡矣陳第毛詩古音

考濡音柔丁度集韻濡亦有而由一切廣韻十八尤柔蹂

同音耳由切是濡柔蹂並同音尤侯幽三韻與虔模相通

轉

維棄泥泥

彼爾維何

維葉泥泥傳葉初生泥泥然釋文泥乃禮反張揖作芄芄
云草盛也文選蜀都賦注引詩作維葉杞杞案芄芄也
杞杞木也鈞非正字其正字當作藹采薇彼藹維何傳爾
華盛貌釋文爾乃禮反說文作藹玉篇藹草盛貌尼辭爾
聲之字古通用泉水飲餞于禰韓詩禰作坭說文檮讀若
杞皆其例

莫遠具爾 父母孔邇 不遠伊邇 其室則邇 征
夫邇止 維邇言是聽維邇言是爭 柔遠能邇

莫遠具爾箋爾謂進之也案正義本作邇云邇是近義謂
揖而進之令自近也汝墳父母孔邇谷風不遠伊邇東門

之壇其室則邇杜征夫邇止小旻維邇言是聽維邇言
是爭民勞柔遠能邇傳箋竝曰邇近也爾邇古今字正義
引燕禮南嚮邇卿北上邇大夫今燕禮邇作爾不遠伊邇
呂氏春秋孟春紀注作不遠伊爾天保降爾遐福穆木疏
引作降邇遐福孟子道在邇而求諸遠朱子集注本山井
鼎考文古本邇作爾郭璞爾雅序夫爾雅者釋文爾字又
作邇漢書藝文志爾雅三卷二十篇張晏曰
爾近也雅正也據此爾雅字作邇爲正

四鍤旣鈞 秉國之均

四鍤旣鈞傳云鍤矢參亭陳奐曰鍤矢釋鍤參亭釋鈞四
字連讀鈞者均之段借玉樹案此說是也傳以參亭釋鈞

字亭者平也史記秦始皇本紀決河亭水正義曰亭平也
酷吏傳亭疑法李奇曰亭平也均也說文均平遍也節南
山秉國之均傳均平也則鈞爲均之借字無疑矣作鈞蓋
變文以韻句舍矢旣均亦有作旣鈞者列女傳晉弓工妻
傳引詩舍矢旣鈞鈞與均古字通秉國之均漢書律厯志
敘傳文選晉紀總論注皆作秉國之鈞翟灝四書考異曰
井地不均孟子考文補遺曰古本均作鈞宋本舊趙注本
皆作鈞左氏昭二十六年傳年鈞以德德鈞以卜後漢書
盧植傳引傳鈞作均呂刑其罪惟均史記周本紀作惟鈞
其過魏大饗碑夏啟均臺之饗左傳作鈞臺

舍矢既均 抑釋棚忌

說文市居曰舍从宀巾象筑屋也口象築也此則舍之本義
舍矢既均箋云舍之言釋也言舍爲釋之段借字也周禮
大胥春入學釋菜合舞注予謂舍卽釋也古夢乃舍萌於
四方注予謂舍讀爲釋舍萌猶釋菜也古者釋菜釋奠多
作舍字儀禮鄉飲酒禮主人釋服注古文釋作舍大射儀
獲而未釋注古文釋作舍禮記月令上丁命樂正習舞釋
菜呂氏春秋作舍菜孟子舍生取義三國志魏少帝紀作
釋生列子天瑞篇其人舍然大喜曉之者亦舍然大喜釋
文舍音釋周穆王篇化人猶不舍然釋文舍音釋皆舍釋

字通之證鄭風抑釋摠忌字作釋

令終有俶 碩大且篤 篤生武王 則篤其慶 以

篤于周祔 篤公劉 天篤降喪 曾孫篤之

既醉令終有俶箋云俶猶厚也正義云釋詁云俶作也作
事所以厚生故云俶猶厚也案正義說非是鄭以俶爲篤
之段借椒聊碩大且篤大明篤生武王皇矣則篤其慶以
篤于周祔公劉篤公劉召旻天篤降喪維天之命曾孫篤
之傳箋竝訓篤爲厚俶从人叔聲篤从馬竹聲叔聲竹聲
之字古通用左氏昭二十二年傳司馬督釋文督音篤漢
書古今人表作司馬篤爾雅釋言筑拾也郝氏義疏云筑

通作督小爾雅云督拾也督之通作篤督之通作筑亦猶似之通作篤矣篤厚字又作竺說文竺厚也从二竹聲

籩豆靜嘉 清酒既載 爾酒既清

籩豆靜嘉箋云乃用籩豆之物絜清而美案鄭讀靜爲清早麓清酒既載正義曰有清絜之酒既載而置之於尊中鳧鷖爾酒既清正義曰爾王酒既清絜矣清竝訓絜書堯典直哉惟清史記五帝紀作直哉惟靜絜史記扁鵲大倉公傳肝氣濁而靜集解引徐廣曰靜一作清是靜與清古字通用清古音淨采蘋箋尙柔順自絜清釋文清如字又音淨今淨絜字古作澗清與澗古本一字而說文分爲二

說本說文 籩豆靜嘉靜即澗之省

景命有僕 其僕維何 君曰卜爾 卜爾百福

景命有僕傳僕附也案附與付同謂付予書梓材皇太既付馬本作附周禮小司寇

附刑罰注故書附作付箋謂附箸失之正義曰以僕御

必附近于人故以僕為附望文生義尤誤僕乃卜之段音

釋詁卜予也天保君曰卜爾楚茨卜爾百福傳箋竝曰卜

予也卜僕古字通禮記檀弓上下人師扶右注卜當作僕

釋文卜依江音僕廣韻樸重文作朴璞重文作朴樸亦作朴

作皆其例

釐爾女士 釐爾圭瓚 徂賚孝孫 賚 賚我思成

釐爾女士傳釐予也案說文釐訓家福傳訓予者謂爲資
之段借也說文資賜也賜予也楚茨徂資孝孫傳資予也
周頌賚序云賚大封于廟也賚予也言所以錫予善人也
商頌烈祖賚我思成傳賚賜也江漢釐爾主瓚傳釐賜也
正義曰釐賜釋詁文今釋詁作賚賜釋文釐力之反沈又
音賚是其證釐爾女士釐亦當音賚釋文力之反非是思
文貽我來牟漢書劉向傳作飴我釐麴注釐讀與來同書
湯誓予其大賚女史記殷本紀作予其大理女少牢饋食
禮來女孝孫注來讀爲釐釐賜也左氏隱十一年經公會
鄭伯於時來注時來邾也熒陽縣東有釐城釋文釐音來

昭九年傳注駘在始平武功縣所治釐城釋文作釐云釐
又音來本或作釐昭二十四年經杞伯郁釐卒釋文釐本
又作釐力之反又音來史記杞世家平公鬱立索隱曰一
作郁釐譙周云名鬱來蓋鬱郁釐來聲相近故不同也周
禮獸人注釐所田之地釋文釐本亦作萊爾雅釋草釐蔓
華說文艸部作萊蔓華小雅北山有萊傳萊草也卽釐蔓
華魏策齊伐釐莒卽萊莒

無有後艱 以祈甘雨 以祈爾爵 祈年孔夙

見豳無有後艱傳云無有後艱言不敢多祈也案毛卽讀
艱爲祈祈者求也甫田以祈甘雨箋云以求甘雨賓之初

筵以祈爾爵箋云祈求也雲漢祈年孔夙祈亦求也艱韻

疊熏欣芬古音在弟十三部祈說文从斤聲古音亦在弟

十三部說文艱从艮聲艱古讀如根說見古韻標準艮聲之字亦

从斤聲說文土部垠土垠𠮟也段氏本从土艮聲或从斤聲

作圻一切經音義卷八引說文圻地圻𠮟也文選七發注

引說文圻地圻𠮟也集韻垠通作圻漢碑多以圻爲垠檀

弓頤乎其至也釋文頤音懇考工記軋人是故軋欲頤典

注頤讀爲懇說文無懇古止作𧢲漢書劉向傳故𧢲𧢲數

誠之意也司馬遷頤斤聲𧢲艮聲𧢲之通作頤圻之通作

圻圻猶艱之通作祈矣傳以後爲多者以後爲厚之假借

也考工記弓人是故厚其液而節其芻注厚猶多也呂覽務本以此厚望于主高誘注厚多也莊子列禦寇注乃厚其身耳釋文元嘉本厚作後此厚後字通之證

假樂君子 假以溢我 假哉皇考 既不我嘉 其

新孔嘉 亦孔之嘉 我有嘉賓鹿鳴形弓 以燕樂嘉賓

之心 南有嘉魚 嘉賓式燕以樂 嘉賓式燕以衍

嘉賓式燕綏之 嘉賓式燕又思 於焉嘉客 又

有嘉猷 山有嘉卉 嘉我未老 爾猷既嘉鴻弁見鷺

雖無嘉猷 飲酒孔嘉 文王嘉止 嘉猷脾腴 箋

豆靜嘉 無不柔嘉 俾臧俾嘉 柔嘉維則 我有

嘉客

假樂假樂君子傳假嘉也正義曰言上天嘉美而愛樂此
君子周頌假以溢我假哉皇考傳竝曰假嘉也案假卽嘉
之借字禮記中庸引詩嘉樂君子左傳文三年公賦嘉樂
注嘉樂詩大雅襄二十六年晉侯賦嘉樂注及正義引詩
嘉樂君子孟子離婁篇注嘉樂之篇竝作嘉詩嘉字惟節
南山民言無嘉爲賀之段借若載馳東山破斧鹿鳴南有
嘉魚彤弓白駒正月四月北山頌弁車轄賓之初筵大明
行葦既醉抑烝民那諸嘉字皆嘉善嘉美之嘉論語加我
數年史記作假我數年假之通作嘉猶假之通作加矣

不愆不忘 逝者其亡

不愆不忘箋云不過誤不遺失秦風車鄰逝者其亡箋云亡喪棄也案遺卽棄也失卽喪也鄭蓋讀忘爲亡正義引哀三年左傳舊章不可忘也今傳忘作亡說苑建本正作不憊不亡

于時廬旅

公劉于時廬旅案廬旅卽廬廬亦重文與上文于時處處下文于時言言于時語語同例廬廬之作廬旅猶覲覲之作覲覲蔽蔽之作蔽帶頎頎之作其頎也傳云廬寄也釋廬不釋旅明旅與廬同也不曰廬廬而止曰廬猶之以直

言曰言釋言言論難曰語釋語語以單文釋重文也說文
广部廬寄也旅亦訓寄後漢書光武紀建武二年野穀旅
生注旅寄也箋云廬舍其賓旅失傳意矣戚學標漢學譜
聲曰左傳戴公廬曹管子作出旅于曹凡廬皆音旅驢矢
作旅矢旅泰山爲廬岱是也以上戚氏語書文侯之命廬弓一
廬矢百魏三體石經廬作旅士冠禮東西旅占注古文旅
作廬周禮司儀拜受皆旅攢元謂旅讀爲鴻廬之廬書蔡
蒙旅平章昭音廬史記何奴傳拜昌侯廬卿爲上郡將軍
索隱曰案表廬作旅古今字異耳

河酌彼行潦 在坰之野

洞酌洞酌彼行潦傳洞遠也案魯頌駟在坰之野傳坰遠郊也釋文坰遠也坰說文作回又作囗云象遠界也洞从回聲故段洞爲回又與迴通說文爾雅竝曰迴遠也

莠祿爾康矣 蔽芾甘棠

卷阿莠祿爾康矣傳莠小也案說文莠道多草不可行莠無小義當爲蔽之借字說文艸部蔽蔽小草也釋詁蔽微也微亦小也召南蔽芾甘棠傳蔽芾小貌衛風翟莠以朝周禮巾車注引作翟蔽以朝釋文蔽劉音莠采芑簞莠魚服箋莠之言蔽也此莠與蔽通之證又史記屈賈列傳修路幽拂兮索隱曰楚辭作幽蔽刺客傳跪而蔽席索隱曰

蔽猶拂也拂與蔽通弗亦與拂通

生民弗厥豐草韓詩作拂

弗訓小又

與蔽蒂之蒂通爾雅釋言蒂小也易豐釋文引子夏傳蒂

小也蔽蒂甘棠韓詩外傳家語廟制竝作蔽弗甘棠采芑

朱蒂斯皇釋文蒂本又作弗斯干朱蒂斯皇文選王元景

曲水詩序及注曹子建責躬詩注作朱弗斯皇采菽赤蒂

在股范蔚宗樂游應詔詩注引毛詩作赤弗在股廣韻八

未蒂毛萋詩傳蔽蒂小貌重文作弗此蒂弗字通之證

如珪如璋 如圭如璧 如璋如圭 白圭之玷 圭

璧既卒 錫爾介圭 以其介圭

唐石經小字本相臺本作如珪如璋閩本明監本毛本珪

作圭案作珪是也說文土部圭瑞玉也上圓下方从重土
珪古文圭玉篇廣韻竝以珪爲古文荀子正名篇引詩如
珪如璋毛受詩於荀因與荀同後漢書劉儒傳注蔡中郎
集中論務本引詩竝作如珪如璋文選王元長曲水詩序
注班固史述贊注魏文帝與鍾大理書注引毛詩如珪如
璋竝从古文作珪洪興如圭如璧文選玉簡栖頭陀寺碑
文注引毛詩作如珪如璧抑白圭之玷文選謝靈運初發
石首城注引毛詩作白珪之玷松高錫爾介圭文選史孝
山出師頌注引毛詩作錫爾介珪是毛詩本多作珪唐石
經改从今文洪興版抑雲漢崧高韓奕竝作圭唯卷阿尙

是珪字而後人復改之珪字遂不復見毛詩史記晉世家
仲尼弟子南宮括傳及集解引孔安國竝引詩白珪之珪
論語三復白圭文選四子講德論及注作白珪爾雅釋器
疏引詩錫爾珪珪雲漢圭璧旣卒春秋僭露作珪璧旣卒
字竝作珪與毛合禮記王制賜圭瓚釋文圭字又作珪說
文珪古字圭今字

汔可小康 汔可小休 汔可小息 汔可小惕 汔
可小安 維其幾矣

民勞汔可小康傳汔危也案毛讀汔爲幾瞻卽維其幾矣
傳幾危也爾雅釋詁幾危也說文幾殆也殆危也汔說文

作汽从水气聲

氣與氣同

與幾音相近周禮犬人凡幾珥沈

嘉注幾讀爲刳珥讀爲珥小弁傳是不可磯也段玉裁曰

釋文磯古愛反依此音則正與抗同抗漢賦多作挖幾聲

气聲古同音通用汽之通作幾亦猶刳之通作幾挖之通

作磯矣

釋詁釋文汽施音既易中孚月幾望釋文幾苟作既是幾與汽古同音既

無縱詭隨 苟亦無從

無縱詭隨箋云王爲政無聽於詭人之善不肯行而隨人

之惡者以此勅慎無善之人案箋以縱爲從之段借廣韻

趙古作从說文从相聽也鄭讀縱爲從故訓縱爲聽左氏

昭二十年傳引詩無從詭隨注云詭人隨人無正心不可

從說與箋合采苓苟亦無從序云刺聽讒也聽字卽釋經
之從論語從之純如也集解從讀曰縱禮記檀弓爾無從
從爾士喪禮注作縱縱內則姑縱之釋文縱本又作從縱
與從古字通用

不可救藥 可以療飢

板不可救藥箋云誰能止其禍案鄭以止字釋救藥蓋謂
藥爲療說文療治也重文作療周禮天官瘍醫凡療瘍以
五毒攻之注止病曰療是療可訓止也韓詩外傳正作不
可救療陳風衡門可以療飢唐石經初刻作樂復加疒爲
療案作樂者乃療之省文故箋云可飲以療飢王肅解詩

專與鄭爲難云泮泮泌水可以樂道忘飢魏魏南面可以

樂治忘亂又於傳中屨入樂飢可以樂道忘飢八字王肅增損

毛傳說詳龍城雜記經言樂飢不言樂道增字解經毛公必不背謬

如是劉向列女傳楚老萊妻傳韓詩外傳竝作可以療飢

與鄭合商山四皓歌可以療飢正用詩語是又在韓魯詩

之先矣劉向習魯詩文選蔡伯喈郭有道碑文棲遲泌丘注引

毛詩可以療飢王元長策秀才文豈非療飢不期于鼎食

注引毛詩可以療飢竝从鄭箋不取王肅之說經義述聞

曰莊子天地篇有虞氏之藥場也荀子富國篇不足以藥

傷補敗藥字竝與療同

無爲夸毗 克順克比

先君云無爲夸毗箋云無爲夸毗以形體順從之箋以形體釋夸故玉篇身部夸作躬以順從釋毗蓋比之段借皇矣克順克比傳擇善而從曰比易曰比輔也下順從也是比有從意毗本毗之俗字毗人臍也左氏哀五年經城毗公羊作城比是比毗古字通用

喪亂蔑資 予美亡此

喪亂蔑資傳蔑無資財也案蔑與亡古字通唐風葛生篇予美亡此箋亡無也論語雍也亡之命矣夫漢書楚考王踰傳引作蔑之命矣夫是其證

天之牖民 牖民孔易 吉士誘之

天之牖民傳牖道也正義曰牖與誘古字通用故以爲道也召南吉士誘之傳誘道也正義云釋詁云誘進也曲禮注進客謂導之故以誘爲導也案說文厶部美相恍呼也从厶美重文作誘譌古文作美羊部有美字云進善也从羊久聲文王拘美里在湯陰美里尙書大傳史記作牖里是誘譌美牖美字竝通用風俗通聲音北堂書鈔十御覽八百七竝作天之誘民牖民孔易禮記樂記史記樂書韓詩外傳竝作誘民孔易劉勰新論从化作誘人孔易易坎納約自牖釋文牖音酉陸作誘說文牖穿壁以木爲交窗

也版篇二𠩺字係古文假借韓詩用今文故作誘段玉裁
曰𠩺所以通明故段爲誘

介人維藩 駟介旁旁 駟介熙熙 駟介陶陶 舍

爾介狄 嗟嗟保介

介人維藩傳云介善也箋云介甲也介人被甲之人謂卿
士掌軍事者釋文介音界說文同鄭作介案清人駟介旁
旁傳介甲也瞻卽舍爾介狄保介嗟嗟保介箋竝云介甲
也疑詩本作介人維藩故鄭不云介當爲介荀子君道篇
爾雅釋詁注漢書諸侯王表王莽傳正作介人維藩釋詁
介善也依毛義亦可作介毛公受詩於荀卿子當與荀子

書同友人劉鐸曰說文介畫也卽今界字田部有畛訓竟大部有芥訓大玉部有玠訓大圭人部有价訓善後世字多故區別如此毛詩芥作介小明介爾景福是也玠作介崧高錫爾介圭是也畛作介思文無此疆爾介是也价作介介人維藩是也皆古文也今作价人維藩係後人據說文以改之非毛鄭之舊矣朱氏彬經傳考證曰价人維藩价與介同介大也此與下文大師大邦大宗一例馬爲璦曰此說正是毛義毛訓善善亦大也桑柔箋善猶大也論語善哉問卽大哉問孟子善哉言乎卽大哉言乎易繫辭上傳莫善於蓍龜釋文善本作大是善與大字又通用據

此說則价爲小明介爾景福生民攸介攸止之介然价訓
善與說文合不得以善大字通牽就其說友人顧仰熙謂
价人卽吉人吉亦善也价作吉如結作紒之比亦可備一
解

及爾游衍 如彼泉流 譬彼舟流

家伯氏曰及爾游衍傳游行也游乃流之段借也說文林
部流水行也小顙如彼泉流箋云如原泉之流行小弁譬
彼舟流箋云如舟之流行流皆訓行說文游旌旗之流也
玉篇作旌旗之游漢書項籍傳必居上游文穎曰居水之
上流也游或作流韋元成傳注如漚曰游亦流也禮記明

堂位釋文旒本又作旒旒卽流之俗字旒卽游之俗字此
皆游流字通之證游本訓旌旗之流出游數游字當作流
人之游如水之流也游民卽流民游湯卽流蕩流魚卽游
魚荀子瓠巴鼓瑟而流魚出
聽謝朓曰流魚卽游魚

及爾出王 先祖是皇

及爾出王傳王往也案王與皇古字通書洪範皇極之敷
言史記宋世家皇作王信南山先祖是皇箋皇之言往也
王皇又與往通莊子山木釋文王司馬本作往禮記少儀
齊齊皇皇注皇讀如歸往之往釋文皇音往

侯作侯祝 以詛爾斯

蕩侯作侯祝案作乃詛之段借說文詛訓也从言且聲釋文作側慮反注同本或作詛正義曰作古詛字何人斯以詛爾斯字作詛邶風谷風篇旣阻我德太平御覽資產部八百三十五引韓詩作旣詐我德詐之通作阻亦猶作之借爲詛矣唐韻正十九鐸作上聲則將五反毛詩古音考作音詛凡作見於詩者除如字外餘皆讀詛

時無背無側 以無陪無卿

時無背無側傳背無臣側無人也以無陪無卿傳云無陪貳無卿士也正義云正由背後無良臣傍側無賢人也案正義訓時爲由時當讀爲以漢書劉向傳條其所以師古

曰以由也以無陪無卿以亦當訓由時與以古字通用漢書五行志引詩作呂亡背亡仄是其證

人尙乎由行 匪上帝不時

人尙乎由行傳言居人上欲用行是道箋云時人化之甚尙欲从而行之不知其非案此傳改字箋不改字也正義曰如傳此言則以尙爲上尙借字上正字免爰尙無爲箋云尙庶幾也此尙之本訓抑篇肆皇天弗尙箋云故今皇天不高尙之召顓不尙有舊箋云哀其不尊尙賢者尙皆上之借字陟帖上慎旃哉漢石經作尙慎旃哉抑尙不愧于屋漏御覽一百八十八尙作上尙上字通經典不可枚

舉下章匪上帝不時字作上

單及鬼方 至于玆野

單及鬼方傳鬼方遠方也案毛訓鬼爲遠蓋以鬼爲玆之
段借說文艸部玆遠荒从艸九聲小明至于玆野傳玆野
遠荒之地鬼與九古字通用禮記明堂位脯鬼侯正義云
周本紀作九侯九與鬼聲相近史記殷本紀命西伯昌九
侯鄂侯爲三公徐廣曰一作鬼侯鄴縣有鬼侯城索隱曰
九亦依字讀鄒誕生音仇說文先軌等字皆从九聲九字
古有鬼音故與鬼通九之通作鬼猶鬼之通作玆矣易既
滄高宗伐鬼方汲冢紀年武丁三十二年伐鬼方次于荆

三十四年克鬼方于令升注易云鬼方北狄國文選揚子
雲趙充國頌鬼方賓服史記楚世家索隱引世本陸終娶
鬼方氏之妹鬼方說者不一然皆與詩無涉正義引易釋
詩未達傳意

顛沛之揭 狼跋其胡 載跋其胡

顛沛之揭傳沛拔也陳奐曰顛讀爲蹢拔讀爲跋拔與跋
通狼跋釋文跋蹢跋本字顛沛段借字馬注論語里仁爲
美或作振顛沛偃仆也玉樹案此說與段玉裁合商頌武王載旃說
文士部作武王載跋周禮大司馬中夏教茷舍注茷讀如
萊沛之沛此沛跋字通之例

罔敷求先王 禹敷下土方 瞻彼溥原 既溥既長
抑罔敷求先王箋云無廣索先王之道長發禹敷下土方
正義云禹敷廣下土案敷乃溥之段借公劉瞻彼溥原箋
云溥廣也既溥既長箋云既廣其地之東西又長其南北
禮記祭義溥之而橫乎四海釋文溥本又作敷是敷與溥
古字通敷說文作敷从支專聲溥从水專聲

洒埽庭內 子有廷內

洒埽庭內唐石經初刻作廷後改庭釋文作廷正義作庭
云職事在庭治之故假庭內不埽以見職事不修耳案庭
爲廷之段借說文庭宮中也廷朝中也山有樞序云有朝

廷不能洒埽正義曰有朝廷不能洒埽者二章云子有廷
內弗洒弗埽是也廷內人君治政之處庭廷古字通周頌
陟降庭止漢書匡衡傳庭作廷左傳桓二年哀侯侵陘庭
之田史記晉世家庭作廷定十四年夫差使人立於庭釋
文庭本又作廷漢書古今人表大廷氏師古曰廷讀曰庭
無言不讐 賈用不售

無言不讐箋云教令之出如賣物物善則其售賈貴物惡
則其售賈賤釋文讐徐云鄭市又反售市又反一本作讐
案作讐是也售爲讐之俗說文所無谷風賈用不售箋云
如賣物之不售字竝當作讐逸周書小開解賈粥不讐此

詩所本御覽資產部十五引韓詩正作賈用不讐漢書高
帝紀高祖每酤留飲酒讐數倍集注引如淳曰讐亦售也
宣帝紀每買餅所從買家輒大讐師古曰讐讀曰售食貨
志收不讐與欲得師古曰讐讀曰售周於民用而不讐者
師古曰讐讀曰售地理志嫁娶無所讐師古曰讐匹也一
曰讐讀曰售蒯伍江息夫傳贊忠不終而詐讐師古曰讐
讀曰售

淑慎爾止 魯侯戾止 之死矢靡它 之死矢靡匿
淑慎爾止傳止至也泮水魯侯戾止傳止至也采芣當讀
若之柏舟之死矢靡它傳之至也陳風墓門篇歌以詆止

續列女傳作歌以詆之小雅車鄰篇高山仰止釋文云本或作仰之禮記表記引詩高山仰止景行行止釋文仰止本或作仰之行止詩作行之史記孔子世家贊引詩高山仰止景行行止宋本行止作行之是止之通用

實虹小子 蝨賊內訖

實虹小子傳虹潰也正義曰訖潰釋言文召顧蝨賊內訖傳訖潰也正義曰訖潰釋言文今釋言作虹潰釋文虹音洪顧作訖音同案虹古文訖今文說文言部訖讀也从言工聲虹潰卽訖讀也抑疏據陸本爾雅召顧疏據顧本爾雅故皆以爲釋言文

曰喪厥國 神保聿歸

正義云曰喪厥國此曰爲辭故韓詩作聿案楚茨神保聿歸箋云神安歸者歸于天也箋以安釋保置聿字不釋蓋以聿爲辭正義曰神安而遂歸于天也以遂釋聿本悉豐傳不知悉豐傳之聿遂卽文王傳之聿述述遂古字通也說見弟八曰聿古字通七月曰爲改歲漢書食貨志曰作聿角弓見說曰消釋文引韓詩作聿荀子非相篇漢書劉向傳趙岐孟子章指引詩皆作聿大明曰嬪于京爾雅釋親注曰作聿縣子曰有奔走子曰有禦侮楚辭章句曰作聿載見曰求厥章墨子尚同篇曰作聿曰與聿皆吹之段借說

文吹詮詞也

倉兄填兮

孔填不寧

瞻印
召旻

我取其陳

桑柔倉兄填兮傳填久也釋文填音塵正義曰古者塵填
字同瞻印孔填不寧傳填久也釋文填音塵召旻孔填不
寧箋訓填爲久案填塵皆借字其正字當作陳甫田我取
其陳傳云尊者食新農夫食陳陳與新對言正訓陳爲久
史記平準書于是大農陳集解引韋昭曰陳久也素問奇
病論云治之以蘭除陳氣也王砒注陳久也書失于政陳
于茲傳陳久也正義引釋詁塵久云古者塵陳同是填塵
陳字竝通用常棣箋古聲填寘塵同東山箋古者聲寘填

塵同也釋文寘音田一音陳寘填塵依字皆是田音陳完
奔齊以國爲氏而史記謂之田氏是古田陳聲同

逢天俾怒 俾爾單厚 單厥心

逢天俾怒傳俾厚也案說文俾訓疾無厚義訓厚者單之
借字天保俾爾單厚傳單信也一曰厚也周頌昊天有成
命單厥心傳單厚說文叩部單大也大與厚義相近北門
傳敦厚也方言敦大也長發傳厯厚也釋詁厯大也是訓
大之字引伸之又訓厚也俾又爲亶之段借釋文俾都且
反本亦作亶正義曰俾亶音相近義亦同釋詁云亶厚也
某氏曰詩云俾爾亶厚

孔棘我圉 以禦亂兮 百夫之禦 外禦其侮 予

曰有禦侮 曾是彊禦 彊禦多慙 不畏彊禦

孔棘我圉傳云圉垂也箋云圉當作禦甚急矣我之禦寇之事案猗嗟以禦亂兮黃鳥百夫之禦常棣緜之禦侮蕩烝民之彊禦字皆作禦圉與禦古字通曾是彊禦漢書敘傳作曾是彊圉不畏彊禦漢書公孫劉田王楊繁陳鄭傳贊王莽傳竝作不畏彊圉召頤我居圉卒荒韓詩外傳作我居御卒荒筦子輕重守圉之國用鹽獨甚注圉與禦同莊子繕性其來不可圉釋文圉本作禦墨子辭過第六邊足以圉風寒劉逵注左思賦引作御太平御覽引作禦公

翰弟五十墨子之守圉有餘御覽引作禦

· 如彼慙風 遡其過淵

如彼慙風顧炎武阮元以慙爲誤字馮登府曰唐石經初刻作慙磨改作遡李善注文選月賦引詩正作慙袁宏北征賦慙流風而獨寫正本詩意石經不誤玉樹棠潘安仁西征賦慙黃卷以湔潼注薛綜西京賦注曰慙向也慙與遡古字通薛傳均曰棠張平子西京賦咸遡風而欲翔薛綜注遡向也張孟陽注魏都賦引西京賦曰感慙風而欲翔與此處引薛注作慙正合張景陽七命遡九秋之鳴颺注慙與遡同據此則慙非誤字無疑月賦慙皓月而長歌

李善注毛詩曰如彼愬風毛萇曰愬向之也

向與鄉所引今古字

明是毛詩阮氏校勘記乃謂作愬是三家異字尤誤毛詩本作如彼愬風自晉至唐無異唐石經改愬爲遡宋本因之後人不知有作愬舊本反以譌字斥之此可怪也愬假借字公劉遡其過澗傳遡鄉也

釋文鄉本又作嚮

此正字論語公

伯寮愬子路於季孫論衡累害篇臧倉之毀公伯寮之遡以遡爲愬戰國策齊策衛君跣行遡於齊注遡愬同遡之借用愬亦猶愬之借用遡矣

并云不逮 并其臣僕

并云不逮傳并使也釋文并字又作迸本或作拼案并迸

皆借字拼俗字其正字當作并說文并相從也從卽使也使亦從也釋詁使從也是也小雅正月并其臣僕傳云古者有罪不入于刑則役之園土以爲臣僕傳以役字釋經之并役亦使也

詳見陳奐毛詩傳疏

好是稼穡 宜其室家

校勘記曰好是稼穡唐石經小字本相臺本同案釋文云家王申毛音駕謂耕稼也鄭作家謂居家也下句家穡維寶同穡本亦作嗇音色王申毛謂收穡也鄭云客嗇也鄭稼穡二字本皆無禾者下稼穡卒痒始從禾正義曰箋不言稼當爲家則所授之本先作家字也依此是毛鄭本

作家嗇王申毛乃爲稼穡字正義每取王爲傳說故其本作稼穡而唐石經以下從之段玉裁云改稼穡者非也玉樹案鄭箋改字而不云某當爲某者甚多未必毛鄭本竟作家嗇釋文作家嗇是依鄭改經稼古與家通穡古與嗇通故鄭以居家客嗇釋之謂假借也焦氏循易章句其于稼也爲反生稼猶家也大戴禮陶家事親王引之謂卽陶稼是字通也桃夭宜其室家是家字見詩之始

具贅卒荒 爲下國綴旒

具贅卒荒傳贅屬荒虛也箋云哀痛乎中國之人皆見係屬于兵役家家空虛正義曰贅猶綴也謂繫綴而屬之長

發云爲下國綴旒襄十六年公羊傳君若綴旒然見贅綴同也案說文綴合箸也贅以物質錢从敖貝敖者猶放貝當復取之也桑柔贅借字長發綴正字公羊襄十四年傳注君若贅旒然釋文作綴云一本作贅十六年傳君若贅旒然釋文贅章銳反本又作綴繫屬也書顧命綴路在阼階面周禮典路注引作贅路釋文贅章銳反又作綴後漢書班彪傳虎賁贅衣注贅衣主衣之官贅綴也尙書曰綴衣虎賁文選劉越石勸進表國家之危有若綴旒注公羊傳曰君若贅旒贅猶綴也

朋友已譖 譖始竟背 僭始既涵 不僭不賊

謂我僭

朋友已譖箋譖不信也正義曰皆以此僭差情不相信釋
文譖子念反本亦作僭瞻印譖始竟背箋譖不信也釋文
譖本又作僭子念反巧言僭始既涵箋云僭不信也抑不
僭不賊覆謂我僭箋竝訓僭爲不信釋文譖本亦作僭子
念反注及下我譖同案譖借字僭正字說文言部譖慙也
从言僭聲人部僭假也从人僭聲一曰相疑相疑卽是不
信

予豈不知而作 旣之陰女

予豈不知而作箋云而猶女也予豈不知女所行者惡與

案而卽女之段借與下文旣之陰女之女同禮記中庸抑而強與鄭注而言之言女也亦謂段借莊子外物篇召而來釋文而本又作女是而女字通而古讀爲如故又借爲女

職涼善背 諒曰不可

職涼善背傳涼薄也箋涼信也案箋以涼爲諒之段借釋文涼毛音良鄭音亮下章諒曰不可唐石經作諒宋十行本小字本相臺本諒作涼釋文同箋訓涼曰爲信言柏舟不諒人只傳諒信也御覽四百三十九作不涼人只何人斯諒不我知箋諒信也大明涼彼武王傳涼佐也釋文涼本又作諒足利本作諒論語高宗諒陰公羊文九年傳注

漢書五行志作涼闇

蘊隆蟲蟲 赫赫炎炎

雲漢蘊隆蟲蟲傳蟲蟲而熱正義曰蟲蟲是熱氣蒸人之貌赫赫炎炎傳炎炎熱氣也正義曰釋訓云炎炎薰也郭璞曰旱熱薰炙人是炎炎爲熱氣也案炎字古讀若融故熊字从炎省聲古文尙書撰異曰無若火始炎炎漢書梅福傳作庸庸炎與庸雙聲融風古亦作炎風說文融从鬲蟲省聲籀文不省作融蟲之通作炎猶融之通作炎矣後人不知爲炎之借字燼炯等俗字出矣

滌滌山川 曠其修矣

滌滌山川傳滌滌旱氣也山無木川無水案滌字从水與旱義相反滌當爲修之借字王風嘆其修矣傳修且乾也說文修脯也脯乾肉也釋名修縮也乾燥而縮也修訓乾滌滌訓旱氣旱與乾是一義藝文類聚災異部引洪範五行傳旱之爲言乾是也修與滌古同聲而通用周禮司尊彝凡酒修酌注修讀如滌濯之滌蓋滌从條聲修與條皆从攸聲滌古讀如條故條狼氏作滌狼氏修古讀如條故修侯作條侯說文睂失意視也文選魏都賦注引作睂亦其例說文引詩蒹蒹山川云蒹旱艸盡也與毛義異當是

三家詩

慤不知其故 何辜今之人

慤不知其故箋云曾不知爲政所失而致此害案鄭以失訓故蓋讀故爲辜首章何辜今之人箋云辜罪也辜訓罪與故訓失是一義失卽過也過卽罪也何辜今之人不知民之何罪也曾不知其故不知己之何罪也史記屈原賈生列傳亦夫子之辜也索隱曰漢書辜作故楚辭亦作故集注云故音孤是故與辜古字通用

瞻卬昊天

雲漢瞻卬

或棲遲偃仰

高山仰止

瞻卬昊天釋文卬音仰本亦作仰下同校勘記曰瞻卬七章小字本相臺本同唐石經初刻仰後改卬古文考本經

序皆作仰案印仰古今字北山或樓運偃仰釋文作印云
本又作仰車牽高山仰止說文作高山印止荀子議兵上
足印則下可用也注印古仰字列子黃帝中道印天而歎
釋文印本作仰漢書刑法志爲下所印郊祀志百姓印望
司馬遷傳迺欲印首信眉師古竝曰印讀曰仰宛有苦葉
人涉印否釋文印五郎反我也木或作仰

昭假無羸 昭假于下 旣昭假爾 昭假烈祖 四

海來假△來假祁祁 神保是格 神之格思

昭假無羸傳假至也釋文假音格泮水昭假烈祖傳假至
也釋文假古百反烝民昭假于下噫嘻旣昭假爾兮鳥四

海來假來假祁祁箋竝曰假至也案假讀若格抑神之格
思傳格至也楚茨神保是格傳格來來亦至也說文格訓
木長貌假訓非真皆非正字其正字當作假說文下部假
至也商頌那湯孫奏假烈祖以假以享箋竝云假升也那
釋文云假鄭作格烈祖釋文云假音格書歸格于蘋祖公
羊隱八年傳注書大傳作歸假于禰祖格于上下說文作
假于上下祖考來格後漢書章帝紀作祖考來假惟先格
王漢書成帝紀孔光傳外戚傳作惟先假王格人元龜史
記殷本紀作假人元龜潛夫論卜列作假爾元龜格于皇
天格于上帝燕世家格皆作假假又作格廣雅二十
陌格至也亦作假

崧高維嶽

崇北

其崇如墉

崧高維嶽傳崧高貌山高而大曰崧案禮記韓詩初學記皆作嵩高維嶽崧嵩皆說文所無字當作崇嵩高山周語作崇山韋昭注崇崇高山也夏居陽城崇高所近字又作嵒漢書郊祀志地理志竝作崇高師古竝曰嵒古崇字說文解字注曰崧嵩二形皆卽崇之異體韋注國語云古通用崇字太平御覽及徐鉉皆引其語詩序云崇北萬物得極其高大也此崇之故訓也玉樹案小雅之崇北序訓高大良耜其崇如墉箋訓高大與山高而大曰崧正合

四國于蕃

价人維藩

四國于蕃箋云四國有難則往扞禦之爲之蕃屏版价人
維藩傳藩屏也案蕃古文藩今文說文蕃艸茂也藩屏也
韓詩外傳作四國於藩東方未明傳樊藩也釋文藩本亦
作蕃韓奕箋簟第漆簟以爲車蔽今之藩也釋文藩本又
作蕃書微子之命以蕃王室釋文蕃本亦作藩禮記禮器
注蕃服之國釋文蕃本又作藩明堂位注藩服釋文藩本
又作蕃周官大司徒九曰蕃樂杜子春讀蕃爲藩穀梁集
解序北蕃迴軫釋文蕃本又作藩左氏僖二十四年傳以
蕃屏周文選曹子建求通親親表注任彥升齊竟陵文宣
王行狀注竝作以藩屏周室定四年傳選建明德以藩屏

周石經宋本藩作蕃

以作爾庸 以伐崇墉 崇墉言言 崇墉仡仡 實

墉實壑 其崇如墉

以作爾庸傳庸城也案毛以庸爲墉之段借也說文土部
墉城垣也从土庸聲皇矣以伐崇墉良相其崇如墉傳並
曰墉城也韓奕實墉實壑傳言高其城深其壑也庸墉古
今字釋文云庸本亦作墉音容詩本作庸故鄭訓爲功後
人據傳義以改經字始作墉耳此蓋昧於古文段借之義
以伐崇墉後漢書伏湛傳作以伐崇庸詩考以爲齊詩易
同人樂其墉釋文墉鄭作庸儀禮士喪禮處北庸下釋文

庸如字牆也本亦作墉禮記郊特牲君南鄉于北庸下釋
文庸本亦作墉牆也左氏襄九年傳祝宗用馬於四墉釋
文作庸云本亦作墉音同城也太平廓上九極廓於高庸
注庸與墉同

往近王舅

彼其之子

楊之水羔裴汾
祖御椒聊侯人

往近王舅傳近已也箋云近辭也聲如彼記之子之記釋
文近音記楊之水彼其之子箋云其或作記或作已讀聲
相似釋文其音記詩內皆放此案周易屯卦君子幾釋文
幾子夏傳作近中孚月幾望釋文幾荀作近民勞箋汔幾
也左氏昭二十年傳注作汔其也是近幾其並通用衛風

碩人其碩玉篇作碩人碩碩其之通作近猶其之通作碩
矣毛居正六經正誤以近爲近之誤字其說非是杜會
言近止征夫邇止近與邇韻正是已音

以時其糧 庠乃錢鏰

以時其糧箋云時其糧者令廬市有止宿之委積正義云
時其其糧食爾雅釋詁時具也案說文無時卽止部時蹠
也之時時之變止爲山字作時猶岐之變山爲止字作岐
也時爲庠之段借臣工庠乃錢鏰傳庠具也說文尸部庠
儲置屋下也儲亦具也又作侍說文人部儲侍也侍待也
考工記總目注作侍乃錢鏰一切經音義十二侍古文作

𥽿時𥽿三形玉篇广部𥽿大紀切儲也具也或作時時爾雅釋詁邢昺疏時者周書費誓云時乃糗糧周頌臣工云𥽿乃錢鎛時𥽿音義同

以時其糧 迺裹餼糧

以時其糧傳糧糧也說文無糧鈕氏說文新附考曰糧或作糗糧糧釋言文論語在陳絕糧釋文糧鄭本作糗云糧也文選思元賦餐沆瀣以爲糧後漢書糧作糗章懷注糧或作糧据此則糧糧古通疑實一字而異文玉樹案書費誓時其糗糧說文食部引周書時乃餼糧楚辭哀時命日饑饉而絕糧集注糧一作糧糧糧在周時爲古今字釋言

云糲糧也以今字釋古字也毛傳亦有此例如葛屨傳要
稷也殷武傳突深也皆是說文于古字不盡載故無糲糧
非俗字公劉迺裹餼糧釋文糧本亦作糲音良糲也

揉此萬邦 旨酒思柔

揉此萬邦箋揉順也釋文揉本亦作柔汝又反又如字一
音柔柔柔扈旨酒思柔箋云思得柔順柔亦訓順揉柔古
字通民勞柔遠能迺釋文作揉云音柔本亦作柔易說卦
爲矯輶釋文輶宋衷王虞作揉宋云使曲者直直者曲京
作柔說文木部柔木曲直也宋所言正是柔字之義手旁
後人所加揉此萬邦古本作柔後人加手以別於柔惠且

直之柔耳說文無揉

明命使賦 賦政于外 敷于下土

蒸民明命使賦傳賦布也箋云顯明王之政教使羣臣施布之下章賦政于外箋云以布政于畿外案說文賦訓斂無布義賦訓布當爲敷之假借小顓敷于下土傳敷布也長發敷政優優左傳成二年昭二十年引作布政優優敷說文作敷云敷也敷卽施布之施施借字書益稷敷納以言左傳僖二十七年潛夫論考績篇竝作賦納以言是賦敷古通用

出納王命 或出入風議

出納王命釋文納本又作內案內與外相對爲文出與入相對爲文凡經典言出納出內皆即出入納之本義乃絲溼納納也七月十月納禾稼箋訓納爲內納亦當爲入釋名說文竝曰入內也書堯典夙夜出納朕命史記五帝紀出納正作出入又納于大麓論衡書說作入于大麓禹貢九江納錫大龜夏本紀作九江入賜大龜是入納字通之證北山或出入風議

征夫捷捷 不寔故也 不寔好也

征夫捷捷傳捷捷言樂事也正義曰捷捷者舉動敏疾之貌案鄭風不寔故也傳寔速也疾速是一義說文手部捷

倝也軍獲得也从手走聲六部倝尻之速也从六走聲凡捷速字皆當作倝以其同从走聲故相通段字又作走說文走疾也爾雅釋詁倝速也釋文倝本或作走

虔共爾位

受小共大共

温温恭人

小宛抑

必恭敬

止

温温其恭

密人不恭

敬恭明神

温恭朝夕

韓奕虔共爾位箋云古之恭字或作共商頌長發受小共大共傳共法釋文小共大共毛音恭正義曰傳讀共爲恭敬之恭故爲法案說文心部恭肅也从心共聲恭作共古文从省小宛温温恭人小弁必恭敬止寶之初筵温温其恭皇矣密人不恭抑温温恭人雲漢敬恭明神抑温恭朝

夕字皆作恭抑篇之恭釋文作共云音恭本亦作恭巧言
匪其止共釋文云共音恭本亦作恭韓詩外傳四引皆作
恭小明靖共爾位韓詩外傳漢書淮陽憲王傳皆作靖恭
爾位表記引詩靖共爾位釋文共音恭本亦作恭念彼共
人鹽鐵論執務作念彼恭人然毛鄭皆不讀共爲恭惟虔
共小共大共之共毛鄭讀爲恭

汾王之甥 遵彼汝墳 牂羊墳首

汾王之甥傳汾大也案汾本水名出太原汾陽縣北管涔
山西南入河毛以汾爲墳之假借正義曰釋詁云墳大也
傳意以墳汾音同故爲大也汝墳傳墳大防也若之華傳

墳大也賁聲分聲之字古通用

淮夷來鋪 我僕痡矣

江漢淮夷來鋪傳鋪病也正義曰釋詁文被鋪作痡音義同案鋪借字痡正字說文金部鋪著門鋪首也疒部痡病也卷耳我僕痡矣傳痡亦病也釋文痡音敷又音烏反病也本又作鋪以江漢例之作鋪乃毛詩古文後人改从今文始作痡爾雅釋詁釋文痡音胡芳庸二反詩作鋪先君曰小雅雨無正淪胥以鋪釋文引王肅云病也後漢書蔡邕傳下獲燕胥之辜章懷注詩小雅若此無罪勲胥以痡勲帥也痡病也言此無罪之人而使有罪者相帥而病之

見韓詩王氏訓鋪爲病蓋以韓申毛漢書敘傳烏乎史遷
燕胥以刑亦韓詩說也毛於鋪無傳因前有卷耳後有江
漢已釋鋪爲病故於此無釋箋訓鋪爲遍言王使此無罪
者率率相引而遍得罪不若肅說爲順正義釋傳亦用箋
說未得毛指顏師古用鄭箋以注敘傳亦非班氏意也王
子邕說經意與鄭爲難然此說實優於鄭不得目人廢言
來句來宣經營四方

來句來宣箋云來勤也句當作營宣遍也王命召虎女勤
勞於經營四方勤勞於遍疆理各國案第二章經營四方
字作營史記天官書句始出於北斗旁徐廣曰句一作營

是句與營古字通用周禮均人注句均也讀若營營原陽
之營說文營从榮省聲營字雖不見說文當與營同聲句
可讀爲營則亦可讀爲營矣先君曰說文句通也爾雅釋
言徇通也是句與徇通廣雅釋言徇營也字又作徇莊子
駢拇篇小人則以身殉利司馬彪曰殉營也句又與洵通
邶風于嗟洵兮韓詩作于嗟質兮說文質營求也是句可
訓營不必改字

既敬既戒

徒御不警

徒御不警唐石經誤作驚正義本不誤

常武既敬既戒箋云敬之言警也警戒六軍之衆車攻徒
御不警傳不警警也正義云豈不日相警戒乎案雞鳴序

夙夜警戒釋文警本又作敬是敬警古字通用周禮夏官
序官注引詩既儆既戒廣韻三十梗儆同警警正字敬借
字

不留不處 勝殷遇劉

不留不處傳誅其君弔其民爲之立三有事之臣陳奐曰
留古劉字武傳劉殺也處猶安止也傳義以誅其君釋經
之留以弔其民釋經之處兩不字皆發聲也案說文金部
鎡殺也从金留聲鎡卽劉字說文別無劉鎡作留古文從
省爾雅釋鳥鵠劉疾釋文劉字或作留淮南子原道訓劉
覽徧照注劉覽回觀也劉讀留連之留惠士奇禮說曰王

風留子毛傳云留大夫氏地理志劉聚周大夫劉子邑公
羊曰劉者邑也其稱劉何以邑氏也水經注劉氏聚三而
臨淵在緱氏西南周畿內留子國卽詩所謂王中鄭箋从
毛亦無異說則留卽劉信矣史記司馬相如傳留落胥餘
錢大昕曰釋木劉劉杙注劉子生山中實如黎卽此留也
有嚴天子 碩大且儼

有嚴天子傳嚴然而威案毛讀嚴爲儼釋文嚴毛魚檢反
鄭如字陳風澤陂碩大且儼傳儼矜莊貌儼與嚴古字通
殷武正義曰嚴敬釋詁文今釋詁作儼敬柏舟傳君子望
之儼然可畏釋文儼魚檢反本或作嚴論語子張篇望之

儼然釋文儼本或作嚴書無逸嚴恭寅畏釋文嚴如字又
魚檢反馬作儼禮記曲禮上儼若思釋文作嚴云本亦作
儼正義作儼公羊桓二年傳注儼然人望而畏之釋文作
嚴云本又作儼荀子正論今子宋子嚴然而好說注嚴讀
爲儼

鋪敦淮瀆 敷政優優 敷奏其勇

鋪敦淮瀆箋云陳屯其兵于淮水大防之上案鋪訓陳乃
敷之假借長發敷政優優正義云敷陳政教則優優而和
美敷奏其勇正義云陳進其勇敷並訓陳釋文引韓詩作
敷敦淮瀆韓今文毛古文後漢書馮緄傳引詩亦作敷敦

淮瀆儀禮特牲饋食禮注爲神敷席也釋文云敷音孚本
又作鋪後漢書班固傳桑麻敷芬文選西都賦作鋪蔡

鋪敦淮瀆 白茅純束

鋪敦淮瀆箋云敦當作屯野有死麕白茅純束箋云純讀
如屯純與屯沈重皆音徒尊反云聚也案漢書禮樂志車
千乘敦昆侖師古曰敦讀曰屯屯聚也楊雄傳敦萬騎於
中營兮師古曰敦讀曰屯屯聚也後漢書馬融傳廣成頌
云山敦雲移注敦音屯亦積聚也此敦與屯通也史記蘇
秦傳錦繡千純索隱引高誘曰純音屯束也左氏襄十八
年傳執孫蒯於純留杜注屬上黨郡漢志作屯留師古曰

屯音純莊子至樂生于陵屯釋文屯郭音純此純與屯通也周禮內宰注杜子春讀敦爲純此敦與純通也如誼誼作訥訥敦上作頓上之類皆是

鋪敦淮漬 遵彼汝墳

鋪敦淮漬傳漬厓也箋云陳屯其兵於淮水大防之上案鄭以漬爲墳之段借爾雅釋上墳大防李巡曰墳謂厓岸狀若墳墓名大防也周南遵彼汝墳傳墳大防汝墳正義引常武傳漬厓作墳厓文選鮑明遠蕪城賦注引毛詩遵彼汝墳又引毛詩鋪敦淮墳是常武經本亦作墳李巡以墳爲厓岸若墳墓是墳爲訓厓之正字依傳義亦可作墳

正義引爾雅墳大防及李巡說云是墳爲压也是正義本
作淮墳與釋文異校勘記竟未之及爾雅釋水汝爲瀆郭
注引詩遵彼汝墳作汝瀆詩正義引爾雅汝爲瀆作墳後
漢書周磐傳注引韓詩遵彼汝瀆太平御覽七十一亦引
作瀆

何神不富 維昔之富不如時 福履綏之 福履荒
之 福履成之

瞻卬何神不富傳富福也召顯維昔之富不如時箋富福
也案富乃福之段借以其同从畀聲故相通也唐韻正一
屋福去聲則音富易謙彖傳鬼神害盈而福謙京房本作

富後漢劉修碑引此同此富福字通之證毛詩福字甚多
周南樛木福字三見

舍爾介狄 川邊蠻方

舍爾介狄傳狄遠也正義曰毛讀狄爲逖故爲遠也案說
文正作舍爾介逖逖古文作邊抑川邊蠻方傳邊遠也正
義曰釋詁文泮宮狄彼東南釋文狄他歷反王遠也文選
王仲宣從軍詩注作逖彼東南書牧誓逖矣西土之人爾
雅釋詁注引書逖作邊李善注文選兩引皆作邊矣西土
之人桂馥說文解字義證狄易聲相近本書惕或从狄自
虎通狄者易也淮南子俞兒狄牙卽易牙賈誼書亦作狄

牙詩抑篇川邊蠻方潛夫論引作遯漢書古今人表傍獵
卽簡狄

天之降罔 魚網之設

天之降罔箋云天下羅罔案正義云下此災異之羅網是
正義罔作網說文罔庖犧氏結繩以漁也或作罔或作罔
古文罔籀文罔罔卽罔字網卽罔字皆卽罔之或體玉篇
廣韻略同說文少儀衣服在躬而不知其名爲罔釋文罔
本亦作罔又作網文選謝元暉直中書省詩淡沈映朱網
注網與罔同楚辭招魂網戶朱綴集注網一作罔

維其幾矣 薄送我畿

維其幾矣箋云幾近也案說文幾訓危凡幾訓近者皆幾

之段借也谷風薄送我畿傳畿門內門內謂近地也上文

云不遠伊邇是也以一室言之門內爲畿以天下言之封

內爲畿

商頌邦畿千里邦讀如封文選西都賦封畿之內厥土千里

說文畿天子千里

地曰逮近言之則曰畿是畿可訓近也畿又與近通周禮

大司馬注故書畿爲近禮記大學邦畿千里釋文畿本又

作幾楚茨如幾如式傳幾期也谷風正義引作幾期禮記

郊特牲丹漆雕幾之美正義幾與畿字相涉

說文畿从周田幾省聲

禮漢讀考肆師所肆注故書所爲幾小子職注云春官肆

師職所或作畿或是故書有作畿者也幾畿字古多通用

不云自頻 南澗之濱 率土之濱

召旻不云自頻傳頻厓也箋頻當作濱厓猶外也釋文頻舊云毛如字鄭作濱音賓俱云厓也案張揖字詁云瀕今瀕則瀕是古濱字玉樹案說文頻水厓人所賓附頻蹙不前而止玉篇瀕蒲民切說文本作頻亦同濱今頻省作頻又變爲濱廣韻十七真分頻濱爲二非古也說文無濱鄭云頻當作濱是漢時已有濱字采蘇南澗之濱北山率土之濱傳竝曰濱厓也與頻訓厓正合列女傳趙飛燕姊娵傳引詩作不云自濱南澗之濱宋書何尚之傳作南澗之瀕說文繫傳引詩南澗之頻云或借賓字或作瀕作濱乃

誤桑柔國步斯頻說文目部作國步斯頤書禹貢海濱廣
斥泗濱浮磬漢書地理志濱作瀕師古曰瀕水崖也瀕音
頻又音賓後世類讀字與音殊故顏監說如此采蘋傳蘋大萍也說文無蘋
艸部蘋大萍也廣韻十七眞蘋大萍也又作蘋毛詩本作蘋
蘋从賓故箋云蘋之言賓也漢書司馬相如傳仁頻并闕
注仁頻賓榔也頻字或作賓皆其例

毛詩異文箋卷十

鹽城陳玉樹

假以溢我 閟宮有恤 止旅迺密 夙夜基命宥密

周頌維天之命篇假以溢我傳假嘉溢慎案慎者靜也爾雅釋詁溢慎同訓靜是其證靜者安也嘉以溢我謂善以安我溢乃恤之段借說文恤靜也魯頌閟宮有恤傳恤清靜也左氏襄二十七年傳引詩作何以恤我恤正字溢恤皆借字莊子齊物論以言其老洳也釋文洳本亦作溢則陽釋文洳音溢溢之通作恤猶溢之通作洳矣禮記樂記釋文殖范音溢亦其例溢又與密通公劉止旅迺密傳密安也昊天有成命篇夙夜基命宥密箋以密爲安靜說文

廣韻引詩識以謚我賈子禮容篇引詩夙夜基命宥謚是
濫謚密竝通用濫密皆借字謚正字說文謚靜語也

無封靡于爾邦 封建厥福 豐年多黍多稌

烈文無封靡于爾邦殷武封建厥福傳竝曰封大也案說
文封爵諸侯之士也封無大義封訓大當爲豐之借字說
文豐部豔从豐豐大也方言凡物之大貌曰豐易豐家曰
豐大也豐年多黍多稌傳豐大也箋云豐年大有年也谷
風采芣非釋文芣字容反徐音豐字書作豐芣之作豐
猶封之作豐矣十駕齋養新錄曰方言豐蕤蕤菁也陳楚
謂之芣是豐芣同音本非二物詩采芣非徐仙民音芣

爲豐徐氏生於晉末其時未有均書無東鍾之別自均書出而豐入東韻葑入鍾韻矣言字母者又以葑屬非母豐屬敷母矣岐之中又有岐而古音遂不可復學者勿泥於隋唐以後之音斯可與道古矣

四方其訓之 四國順之

無競維人四方其訓之箋云無彊乎維得賢人也得賢人則國家彊矣故天下諸侯順其所爲也案箋以天下諸侯釋四方以順其所爲釋訓卽讀訓爲順四方其訓之卽抑爲所謂四國順之左傳哀二十六年子貢引詩無競惟人四方其順之注云詩周頌正義曰詩周頌烈文之篇據此

知烈文訓本作順異于大雅抑篇或鄭箋詩時經亦是順
字後人以毛傳詁訓爲道改順爲訓以合于抑篇也子輿
引此詩釋之云若得其人四方以爲主而國于何有箋說
正與之合毛訓道于義未安抑篇無競維人四方其訓之
訓亦當讀順說見學經室集訓順古字通書洪範于帝其
訓是訓是行史記宋世家訓皆作順文選幽通賦實棗謚
而相訓注訓或作順國語周語能導訓諸侯者史記魯世
家作能道順諸侯者正義曰順音訓

於乎前王不忘 于公先王 罔敷求先王 肯先王
受命

於乎前王不忘案前當讀如先箋正作先王與天保于公
先王抑罔敷求先王召旻昔先王受命同周禮大宰前期十
日釋文前本或作先男巫王弼則與祝前注故書前爲先
是前字通

磬筦將將

簫管備舉

嘒嘒管聲

執競磬筦將將釋文筦音管本亦作管有磬簫管備舉那
嘒嘒管聲字作管有磬箋云管如籥竝而吹之案說文竹
部管如箛六孔十二月之音物開地牙故謂之管从竹官
聲筦字也从竹完聲據此則管正字筦借字也荀子富國
篇引詩管磬琯琯說文足部引詩磬管籥籥漢書禮樂志

引詩磬管鏘鏘字皆作管莊子則陽篇夫吹管者猶有嗃也釋文作筦云音管本亦作管盜跖篇今富人耳營鐘鼓筦籥之聲釋文筦音管本亦作管漢書禮樂志鐘石筦鉉錯傳齊桓公得筦子谷永傳昔龍筦納言師古竝曰筦字與管同食貨志筦子曰地理志中牟有筦叔邑劉向傳周大夫尹氏筦朝事賈誼傳筦子曰師古竝曰筦與管同張禹傳後堂理絲竹筦弦儒林顏安樂傳廣授瑯琊筦路王莽傳初設六筦之令師古竝曰筦亦管字藝文志筦子八十六篇師古曰筦讀與管同車千秋傳自以爲國家興權筦之利師古曰筦卽管字也義與幹同東方朔傳語曰

以箎窺天以蠡測海服虔曰箎音管師古曰箎卽管字玉
篇竹部管古短切樂器如箎六孔亦作箎廣韻二十四緩
管樂器也古滿切重文作箎急就篇管財智注管一作箎
陳常于時夏 爾受命長矣 長發其祥

思文陳常于時夏箋云用是故陳其久常之功於是夏而
歌之卷阿爾受命長矣箋云則受久長之命商頌長發其
祥箋云長猶久也案常借字長正字說文常下帛也重文
作裳長久遠也漢書地理志京兆尹長安莽曰常安是常
長古通用

奄觀銍艾 穫之捭捭

臣工奄觀銍艾傳銍穫也毛詩紉義曰正義曰釋名云銍
穫禾鐵也說文曰銍穫禾短鎌也然則銍器可以穫禾故
云銍穫也案銍既是田器又訓爲穫終未安釋文引小爾
雅云截穎謂之銍截穎卽穫也禹貢甸服二百里納銍孔
安國曰銍刈謂禾穗彼銍與總秸粟米竝稱不爲鐵器禾
穗是已穫之禾故此傳訓爲穫然良耜穫之挫挫傳云穫
聲也釋訓云挫挫穫也說文云挫穫禾聲也挫與銍俱珍
栗切毛蓋讀銍爲挫以其音義同也玉樹案後說是也銍
爲挫之段借挫挫訓穫故銍亦訓穫毛公正依爾雅爲說
釋名以銍爲挫云銍銍斷禾穗聲也此挫銍字通之證玉

篇又有極字音竹栗切訓穫

終三十里 眾穉且狂 爰眾爰有 命我眾人

噫嘻終三十里案終與眾穉且狂爰眾爰有命我眾人之
眾通傳終三十里言各極其望也傳以各字釋經之終蓋
讀終爲眾各者不一之辭也

正義

載地眾卽指下文十千而言

周易禘卦傳大有眾也釋文眾荀作終士相見禮眾皆若
是注今文眾爲終釋草眾穉灤貫眾釋文眾皆音終是終
與眾古字通益之作蟬亦其例矣經義述聞曰眾穉且狂
眾當讀爲終終猶既也終溫且惠既溫且惠也終風且暴
既風且暴也終窶且貧既窶且貧也終和且平既和且平

也終穉且狂既穉且狂也終善且有既善且有也此詩之
例也古字多借眾爲終史記五帝紀怙終賊刑徐廣曰終
一作眾周頌振鷺篇以永終興後漢書崔駰傳終作眾韓
策臣使人刺之終莫能就史記刺客傳終作眾

亦服爾耕 亦有高廩 奕奕寢廟 奕奕梁山 四
牡奕奕 新廟奕奕

亦服爾耕箋云亦大服事也正義曰皆釋詁文彼亦作奕
音義同豐年亦有高廩箋云亦大也案亦說文作次卽今
振字大部奕大也从大亦聲小雅巧言篇奕奕寢廟傳奕
奕大貌韓奕奕梁山傳奕奕大也四牡奕奕箋樂長大

之四牡奕奕然魯頌閟宮篇新廟奕奕正義引王肅云奕奕盛大奕正字亦借字文王不顯亦世魏書禮志作不顯奕世後漢書袁術傳注作丕顯奕代國語周語亦世載德注亦亦前人也明道本竝作奕漢綏民校尉熊君碑中常侍樊安碑執金吾丞武榮碑北軍中候郭中奇碑竝作奕世載德亦與奕古字通

振鷺于飛 振振鷺 采蘋祁祁

七月出車

來假祁祁

振鷺振鷺于飛傳振振羣飛貌魯頌有駉振振鷺傳振振羣飛貌案振振卽祁祁也七月采蘋祁祁元鳥來假祁祁傳竝曰祁祁眾多也出車采蘋祁祁正義云采蘋菜之人

祁祁然眾多羣與眾多是一義禮記祭法王爲羣姓立社
注羣眾也史記周本紀夫獸三爲羣正義引曹大家羣眾
衆皆多之名也蔡邕獨斷治典不殺曰祁祁一作震易恆
上六振恆凶釋文振張作震書振驚朕師史記五帝紀作
振驚朕眾是祁振震竝通用又小雅吉日其祁孔有箋云
祁當作慶爾雅某氏注引詩作其慶孔有祁之通作振亦
猶祁之通作慶矣

于彼西雍 於樂辟廱

唐石經作于彼西雍文選劇秦美新注任彥昇爲蕭揚州
作薦士表注引詩竝作西雍宋本作離傳云離澤也靈臺

於樂辟靡傳云水旋如璧曰辟靡毛讀辟爲璧以水釋靡
水亦澤也據毛義靡與靡皆當作邕說文邕四方有水自
邑成池者从川邑聲辟靡白虎通作辟雍云雍者壅之以
水象教化流行也雍爲雝之隸變壅爲邕之俗字後漢書
邊讓傳注引韓詩于彼西雍薛君章句云西雍文王辟雍
也

考定爾功 靡所底止 伊于胡底

武考定爾功傳者致也祈父靡所底止傳底至也小爾伊
于胡底箋底至也爾雅釋言底致也郝氏義疏云致者說
文云造詣也詣候至也然則致亦至也致至聲同字亦通

矣底通作着詩膏定爾功傳膏致也釋文膏毛音指

左傳宣十

二年釋文音音

文選報任少卿書注引爾雅郭璞曰底音

指蓋郭氏音義之文集韻省通作底蒙案至致字本通用
禮記大學致知在格物注致或爲至禮記禮器有放而不
致也釋文致本亦作至論語子張喪致乎哀而止皇疏致
猶至也廣雅釋詁致至也武傳之者致卽祈父傳之底止
底與砥本一字說文訓柔石底訓至卽讀爲至儀禮聘禮
記義之至也注今文至爲砥是其證節南山箋謂氏爲柅
爾雅釋鳥釋文鴟或作鴟亦其例說文砥小渚也重文作
渚集韻砥或作渚此亦省通作底之例或曰省底皆氏之

段借說文氏至也

其耕澤澤 抑釋棚忌

載其耕澤澤箋云耕之則澤澤然解散案澤乃釋之反
借故訓解散釋文澤音釋正義云其耕則釋釋然解散字
正作釋爾雅作郝郝釋文云郝音釋正義引爾雅作釋釋
引舍人曰釋釋猶霍霍解散之義鄭風抑釋棚忌傳箋疏
於釋字無說釋亦當訓解散澤釋古字通周禮考工記水有
時以凝有時以澤釋文澤李音釋史記孝武紀振兵澤旅
徐廣曰古釋字作澤高祖功臣功表張侯毛澤漢表作毛釋
之惠景開侯年表建陵侯張澤索隱曰澤一名釋漢書外

戚恩澤侯表作釋張陳列傳使張願陳澤正義曰澤音釋
大戴禮夏小正寒日滌凍塗傳凍塗也者凍上而澤下多
也孔廣森曰澤讀若其耕澤澤之澤詩雨雪載塗傳塗凍
釋也管子云日至六十日而陽凍釋七十日而陰凍釋農
雪澤黃叔琳曰管子農耕及雪釋澤即釋也

有依其士 愛而不見 心乎愛矣

有依其士箋云依之言愛也案鄭以依爲愛之假借也老
子衣養萬物而不爲主釋文衣河上作愛禮記樂記肆直
而慈愛者宜歌商注愛或爲哀哀與依皆衣聲依之通作
愛猶衣與哀之通作愛矣靜女愛而不見隰桑心乎愛矣

皆悅愛之愛雲漢靡愛斯牲乃愛松之愛烝民愛莫助之
乃優隱之優與此義別

振古如茲

倉兄填兮

孔填不寧

瞻印
召見

振古如茲箋振亦古也案振古釋言文振與填音近故訓

古桑采倉兄填兮瞻印孔填不寧召見孔填不寧傳箋竝

訓填爲久

釋文填
音塵

久古是一義縣傳古言久也是也振訓

卽是訓久釋言注引詩振古如茲釋之云猶云久若此與

箋義合周禮大祝注振讀爲慎慎與填皆眞聲振之通作

慎猶振之通作慎矣大司馬注慎讀爲廕說文謏讀若振

漢書功臣表慎陽侯注慎音震皆其例

不吳不敖 不吳不揚 聊可與娛

絲衣不吳不敖傳吳譁也正義作不娛不敖云人自娛樂必譁譁爲聲故以娛爲譁也定本娛作吳泮水不吳不揚箋吳譁也正義曰鄭讀不吳爲不娛人自娛樂必譁譁爲聲故以娛爲譁也案據孔氏說則吳與聊可與娛之娛同彼傳云娛樂也說文大部吳大言也釋文引說文吳作吳非是大言卽是譁似不必借義于娛

我龍受之 何天之龍 笙磬同音 同爾兄弟

酌我龍受之長發何天之龍傳竝曰龍和也案龍爲同之假借鼓鍾笙磬同音箋以八音克諧釋同音諧卽和也正

義云皆得和同其音矣皇矣同爾兄弟箋云以和協汝兄弟之國正義云和同汝之兄弟說文龍从童省聲列子黃帝狀不必童而智童智不必童而狀童注童當作同龍之通作同猶童之通作同矣說文魚部鮪魚也从魚同聲讀若綉龍方言四無祠之綉注祠亦龍字異耳又云務齊魯之間或謂之龍注龍音鮪魚玉篇廣韻皆以祠爲龍之重文此皆龍同字通之證段玉裁以龍爲雛之段借陳奐以龍爲龔之段借馬爲瑗謂龍訓和和者樂也鄭讀爲寵寵者愛也愛樂是一義毛亦讀龍爲寵以上諸說皆未安唯詩經平議讀龍爲同其說較長

蹻蹻王之造 矯矯虎臣 赳赳武夫

蹻蹻王之造傳蹻蹻武貌釋文蹻居表反魯頌泮水篇矯
矯虎臣箋云矯矯武貌釋文作蹻蹻云木又作矯亦作蹻
居表反正義作矯矯酌正義引作蹻蹻與釋文亦作木合
唐石經宋小字本相臺本竝作矯矯虎臣案說文足部蹻
舉足行高也虫部蹻蟲也矢部矯揉箭箝也皆段借字其
正字當作赳周南兔置篇赳赳武夫傳赳赳武貌爾雅釋
訓廣雅釋訓竝云赳赳武也則赳與蹻矯同義說文足部
赳輕勁有材力也从赳牛聲讀若矯則赳與蹻矯同音蹻
蹻蹻即赳赳也赳赳武夫後漢書桓榮傳注作糾糾武

夫陳風月出舒窈窕兮毛詩古音考曰糾音矯其笠伊糾亦此讀聲謂窈窕卽漢書楊雄傳之夭矯後漢書張衡傳之夭矯糾之讀爲矯猶糾之讀爲矯與矯矣大雅版篇小子矯矯列女傳趙將括母傳引作小子矯矯

屢豐年

屢顧爾僕

君子屢盟

屢舞僂僂

屢舞

飲飲

屢舞僂僂

桓婁豐年箋云婁亟也釋文婁力往反亟欺冀反數也正義本作屢左氏宣十二年傳引詩作屢正月巧言賓之初筵皆作屢傳箋竝曰屢數也案說文無屢古止作婁屢顧爾僕釋文作婁云本又作屢君子屢盟釋文屢本又作婁

屢舞僊僊釋文屢本作婁山有樞弗曳弗婁韓詩外傳作
弗曳弗屢角弓式居婁驕荀子非相篇作式居屢驕楊倞
注屢讀爲婁禮記郊特牲孔子屢嘆之釋文作婁云本又
作屢漢書宣帝紀婁蒙嘉瑞元帝紀婁勅公卿成帝紀災
異婁降食貨志婁勅公卿以農爲務公孫宏傳婁舉賢良
趙充國傳婁奏封章王莽傳婁省朝政師古竝曰婁古屢
字爾雅釋言釋文婁本又作屢同力往反

鼓咽咽 伐鼓淵淵 鞀鼓淵淵

魯頌有駟鼓咽咽傳咽咽鼓節也采芑伐鼓淵淵傳淵淵
鼓聲也鞀鞀鼓淵淵正義其鞀鼓之聲淵淵而和也案咽

泮水其旂筏筏釋文作伐伐云伐蒲害反又普貝反本又作筏賈昌朝羣經音辨人部作伐伐正義唐石經作筏筏傳云筏筏言有法度也案此詩曰其旂筏筏鸛聲噦噦采菽曰其旂泝泝鸛聲噦噦泝泝卽筏筏噦噦卽噦噦傳云泝泝動也又出車胡不旆旆傳旆旆旆垂貌葢垂則動動而有節是爲法度語雖殊義則一也說文艸部筏草葉多段氏玉裁曰泮水其旂筏筏卽出車之旃旐旆旆采菽之其旂泝泝也小弁葍葍泝泝亦當作葍葍筏筏玉樹案以旂言則旆爲正字泝與筏皆借字以草言則葍葍泝泝在菽旆旆皆筏之段借字也六月白旆央央釋文作白筏云

本又作旃繼旆曰葆左傳云葆葆是也一日旃與葆古今字殊正義本作帛葆定四年左氏傳績葆旃旌禮記祿記注引作葆旃

狄彼東南 用邊蠻方 攘之剔之

狄彼東南箋云狄當作剔剔治也案毛於狄無訓韓詩作剔彼東南云剔除也剔卽剔也除卽治也皇矣攘之剔之釋文剔或作剔莊子馬蹄篇釋文剔崔本作剔士喪禮注今文剔爲剔鄭讀狄爲剔義本韓詩玉篇刀部剔重文作勢狄蓋勢之省文選王仲宣從軍詩注引詩逃彼東南說文逃遠也作逃乃王肅義釋文狄王他歷反遠也抑篇用

邊蠻方說文邊爲古文逃毛就其本字訓之云遠也箋云
邊當作剔剔治也與泮水狄字同訓左氏僖二十八年傳
糾逃王慝漢都鄉正街彈碑作糾剔王僦

不吳不揚 無貳無虞

不吳不揚正義釋毛云不爲過誤無有損傷案正義說本
王肅肅又本毛傳闕宮無貳無虞傳虞誤也吳與虞通故
亦爲誤衡方碑正作不虞不揚絲衣不吳不敖史記孝武
紀作不虞不驚索隱曰虞吳聲相近公羊定四年帥師伐
鮮虞釋文虞本或作吳音虞國語齊語西服杯沙西吳管
子小匡篇作西虞漢書地理志封周章弟中於河北是爲

北吳史記吳世家水經注河水篇引晉太康地記竝謂之
北虞又地志云大陽吳山在西上有吳城周武王封大伯
後於此是爲虞公僖五年左傳虞仲吳越春秋作吳仲說
文虞从虍吳聲釋名吳虞也此吳虞字通之證

不吳不揚 戒其傷女

不吳不揚傳揚傷也案揚卽傷之古文段借正月燎之方
揚漢書谷永傳作燎之方陽澤陂傷如之何爾雅釋詁注
引魯詩陽如之何玉篇陽傷也禮記玉藻釋文傷音傷又
音陽是揚陽傷古通用揚訓傷非我心慰傷之傷乃戒其
傷女之傷

食我桑黹 無食桑甚

食我桑黹傳黹桑實也案說文艸部甚桑實也字林考逸
艸部甚桑實也時審反又式忍反見爾雅釋木釋文甚正
字黹借字衛風于嗟鳩兮無食桑甚字作甚或謂說文黑
部黹桑甚之黑也則黹亦正字非借字矣予曰此許氏之
誤也家語辨樂黹而黑注黹黑貌淮南子主術訓問瞽師
曰白素何如曰縞然曰黑何如曰黹然莊子齊物論釋文
引李云黹闇不明貌文選東廣微補亡詩黹黹重雲注黹
黹雲色不明貌廣雅釋器黹黑也一切經音義卷六引字
林黹黑黃也卷十一引纂文黹黹深黑也黹爲儿黑之稱

不專屬桑甚許氏之說蓋用毛傳而忘其為段借如采菽

傳葵揆也釋言以葵為揆之段借也葵本說文本之曰揆

葵也反以借字詰正字矣車奉傳慰怨也以慰為愠之段

借也帶詩作以愠我說文本之慰下云一日悲怒也誤以

借義為正義矣凡此之類百密一疏正不必曲為之說王

篇艸部甚桑實也不言亦作黹黑部黹救咸都甚二切黹

黹不明淨也不收桑甚一訓廣韻四十七寢甚重文作黹

不作黹四十八咸黹字注云黔黹雲黑不言與甚同皆可

正許氏之失陸德明曰黹說文字林皆作甚而不取桑黹

之黑之說則亦不以許氏為然矣段黹為甚猶之借樞為

甚廣韻以作榘爲俗釋木釋文以作榘爲非蓋亦昧於段
借之義

憬彼淮夷 洞酌彼行潦

憬彼淮夷傳憬遠行貌案說文憬訓覺悟毛云遠行者謂
憬爲洞之段借也大雅洞酌彼行潦毛訓洞爲遠正義訓
洞爲遠往遠往卽遠行也又正義云洞遠釋詁文今釋詁
作迴遠說文亦云迴遠也是洞又當作迴士昏禮姆加景
注今文景作憬江永章經補義謂卽裝與綱之段借憬之
通作洞猶憬之通作綱矣

六轡耳耳 垂轡濶濶 彼爾維何

闕宮六轡耳耳傳耳耳然至盛也陳奐曰耳耳猶爾爾載

驅垂轡爾爾

此釋文本唐石經作彌彌

傳爾爾罕也盛與罕同義案此

說是也爾亦訓盛采薇彼爾維何傳爾華盛貌彌說文訓

水滿滿亦盛也爾說文訓麗爾云猶靡麗也則爾本有美

盛之義耳古文爾今文益斯傳維蚣蚣不耳足利本耳作

爾大東箋譚無他貨唯絲麻爾足利本爾作耳論語女得

人焉耳乎太平御覽一百七十四二百六十六俱引作女

得人焉爾乎

詳見論語校勘記

是耳爾字通之證周禮男巫注杜

子春讀弭如彌兵之彌漢書王莽傳以彌亂發姦注彌讀

曰弭文選羽獵賦望舒彌轡注彌與弭古字通耳之通作

爾猶弭之通作彌矣

唐李習之論語筆解云六十而耳順耳當作爾

戎狄是膺

應侯順德

我應受之

戎狄是膺傳膺當也漢書衡山濟北王傳贊詩云戎狄是膺嚴朱吾丘主父徐嚴終王賈傳贊匈奴傳贊並曰詩稱戎狄是膺師古皆云膺當也卽本毛傳下武應侯順德周頌賚我應受之傳並曰應當也案膺借字應正字說文心部應當也內部膺胸也史記建元以來王子侯者年表及匈奴傳引詩戎狄是應孟子引詩戎狄是膺音義云丁本作應爾雅釋詁應當也釋文應本或作膺下武正義賚正義引釋詁作應當閔宮正義引釋詁作膺當趙岐孟子注

膺擊也呂氏春秋察微篇宋華元帥師應之大棘又處方
篇則令唐蔑將而應之高誘注竝曰應擊也淮南子主術
訓不使應敵高注應擊也趙氏讀膺爲應故訓擊廣雅釋
詁應受也王氏疏證云晉語其叔父實應且憎以非余一
人韋昭注應猶受也楚辭天問鹿何膺之王逸注云膺受
也膺與應通惠棟春秋左傳補注云應乃懿德應讀曰膺
尚書康誥曰應保殷民亦古文膺字惠意似以應爲膺之
以借說恐非

則莫我敢承

寧莫之懲

河水正月

憐莫懲嗟

不懲其

心 胡憐莫懲

則莫我敢承傳承止也正義曰承者當待之義不敢當待
卽是不敢禦止故以承爲止也案正義非也毛謂承爲懲
之段借也河水寧莫之懲節南山憯莫懲嗟不懲其心正
月寧莫之懲十月之交胡憯莫懲傳箋竝訓懲爲止說文
懲訓恣止爲恣之引伸之義左傳哀四年諸大夫恐其又
遷也承注承音懲蓋楚言正義曰承懲音相近蓋是楚人
之言聲轉而字異耳此承與懲通之證上文荆舒是懲箋云
也字作懲此作承蓋變文以韻句

遂荒大東 維鳩方之

遂荒大東傳荒有也案荒乃方之段借鳩巢維鳩方之傳

方有也廣雅釋詁方有也荒从亢聲荒从亾聲周禮方相氏毆方良注方良罔兩也釋文方音罔罔亦亾聲荒之通作方猶罔之通作方矣或曰釋詁撫有也注引詩遂撫大東撫又當作撫禮記文王世子君王其終撫諸注撫有也說亦通荒通作方說本邵晉涵爾雅正義

莫敢不諾魯侯是若

莫敢不諾魯侯是若傳諾順若順也案傳讀諾爲若故訓順此章之諾若亦猶上章之懲承阮氏元所謂意同字變也傳諾順顏師古定本崔靈恩集注有之釋文正義竝無段玉裁訂毛詩故訓傳从定本說文諾从言若聲故諾借

爲若

奏鼓簡簡 關關雉鳴

商頌那奏鼓簡簡箋云其聲和大簡簡然正義曰其聲簡簡然而和大也案簡簡當讀若關關周南傳關關和聲也釋詁關關音聲和也玉篇關關和鳴也史記建元以來王子侯年表榮簡侯劉騫索隱曰漢表作榮關是簡關字通之證或曰簡與關皆讀若管如史記管叔羣子作關叔鄭風秉簡漢書作秉管之比管與和雙聲得義說亦通

庸鼓有數 賁鼓維鏞

庸鼓有數傳大鐘曰庸釋文庸如字依注作鏞正義本作

鏞案說文金部爾雅釋樂皆云大鐘謂之鏞大雅靈臺賁
鼓維鏞傳鏞大鐘也鏞今文庸古文文選張平子東京賦
注引詩作鏞鼓有數周書世俘解王奏庸亦段庸爲鏞書
益稷笙鏞以閒古文尙書作庸鄭訓爲功眡瞭疏大射儀
疏引作笙庸以閒說見古文尙書撰異

庸鼓有數萬舞有奕

庸鼓有數萬舞有奕傳數數然盛也奕奕然閑也案說文
奕大也韓奕傳奕奕大也奕奕然閑者閑亦大也殷武旅
楹有閑正義云閑然而大文選魏都賦注引韓詩章句曰
閑大也是也經言萬舞卽千舞萬亦有大義廣雅釋詁萬

大也初學記引韓詩曰萬大舞也傳閑字必當訓大箋以
閑習釋之失傳意矣大與盛是一義敦本訓厭傳云敦敦
然盛者敦卽奕之段借阮氏元所謂意同字變也奕卽訓
盛文選秋懷詩注引韓詩章句奕奕盛貌廣雅釋訓奕奕
盛也是也釋文敦奕釋竝音亦泮水徒御無敦釋文作釋
闕宮新廟奕奕周禮隸僕注蔡邕獨斷作寢廟釋釋是敦
奕釋竝通用

賁我思成 來假來饗

烈祖賁我思成箋云賁讀如往來之來釋文賁毛如字鄭
音來案下文來假來饗字作來賁與來古字通用故鄭讀

賁爲來釋詁來勤也釋文來力代反本或作賁楚茨祖賁
孝孫釋文賁如字徐音來周頌賁釋文賁力代反徐又音
來書湯誓予其大賁女武成大賁于四海賁誓我商賁爾
釋文竝曰賁徐音來李先生曰賁字雖見說文亦後出之
字古止作來說文來周所受瑞麥來粦一來二縫象芒束
之形天所來也故爲行來之來是來本有賜義許云天所
來猶天所賁也人自外來來也物自外來亦來也來者歸
也賜之爲來猶饋之爲歸矣儀禮少牢饋食禮來女孝孫
鄭注來讀爲釐釐賜也來卽可以訓賜讀釐轉迂矣堯廟
碑爲初元來福賁作來

既戒既平 君子如屆 不知所屆

既戒既平傳戒至案此謂戒爲屆之段借也節南山君子如屆小弁不知所屆箋竝云屆至也釋文屆音戒爾雅釋詁艘至也釋文郭音屆孫云古屆字采菽君子所屆晏子春秋諫篇上作君子所誠誠卽戒字此屆戒字通之證

來假來饗 以假以享

來假來饗箋云饗謂獻酒使神饗之也諸侯來助祭者來升堂來獻酒上文以假以享箋云生獻也以此來朝升堂獻其國之所有饗與享箋皆訓獻說文享獻也饗鄉人飲酒也享正字饗借字七月朋酒斯饗傳云饗者鄉人飲酒

也此饗之本義餘皆享之段借字也阮氏校勘記曰來假
來饗唐石經小字本相臺本同考文古本同閩本明監本
毛本饗誤享案經中饗享二字截然有別享者下享上也
饗者上饗下也白歐陽脩本義以來論之詳矣盧句宣曰
案有字同義別而相因者如獻神爲享神食其所獻亦爲
享此等在訓詁中未可枚舉後儒曲爲區別乃以獻神作
享神食所獻作饗於我將闕宮烈祖皆用此例定其字故
唐石經宋本似是而非今俗本槩作享似非而是此篇前
享字箋云獻也後享字箋云謂獻酒使神享之也相承爲
說斷非有二形也玉樹案箋以來假來饗爲升堂獻酒則

是下獻土亦謂之饗矣說文享獻也引孝經曰祭則鬼享之是上受其獻亦謂之享矣毛詩字不盡一往往於一篇之中古文今文祿見此詩與楚茨我將闋宮皆一篇之中享饗竝見亦猶谷風之余于伐檀之猗兮皇矣之度宅行華之鈞均楚茨之妥綏思齊之射敦斯干之維唯緜篇之走秦公劉之邁乃皆今古文之別也段玉裁於饗享二字區別甚嚴有云小戴記凡祭享燕饗字皆作饗無作享者左傳則皆作享無作饗者蒙案此不然也曲禮食饗不爲飗釋文饗木又作享聘義賄贈饗食燕釋文作享云木又作饗是戴記未嘗無享字也莊十七年饗齊成成四年衛

侯饗苦成叔字竝作饗成十二年於是有燕享之禮釋文
享本亦作饗是左傳未嘗無饗字也又成十二年享以訓
其儉詩卷耳正義儀禮燕禮疏皆作饗以訓恭儉又彤弓
正義引莊十八年傳號公晉侯朝王王饗醴僖二十八年
傳王饗醴命晉侯賓僖二十五年傳晉侯朝王王饗醴昭
元年傳鄭饗趙孟孔穎達所見左傳饗字多矣以獻食爲
享神食其所獻爲饗此說昉於歐陽脩詩本義而呂氏讀
詩記嚴氏詩緝皆主其說經韻樓集說文解字注又加詳
焉余以說文考之而知其說非是莊四年左氏經夫人姜
氏享齊侯於祝丘公羊穀梁享作饗享饗字通趙氏坦春

秋異文箋引證甚博茲不具錄

宅殷土芑芑 好樂無荒 關居允荒 大王荒之

芑鳥宅殷土芑芑傳芑芑大貌案天作大王荒之傳荒大也蟋蟀傳公劉傳竝曰荒大也爾雅釋天大歲在巳曰大荒落史記麻書作大芑落荀子富國篇芑勅侵枯注芑味也或讀爲荒史記夏本紀子帝芑立索隱芑音亾鄒誕生又音荒三代世表帝芑索隱芑一作荒考工記注蠨讀爲芑芑禹跡之芑是芑荒古字通用說文芑訓草芑荒訓蕪皆無大義芑與荒當爲荒之假借說文荒水廣也廣卽大也荒从兪聲荒从亾聲芑亦从亾聲

奄有九有 九有有截 肇域彼四海

奄有九有傳云九有九州也案有當讀若域文選卅魏公九錫文注引韓詩奄有九域薛君章句曰九域九州也長發九有有截箋云九州齊一截然晉書樂志作九域有截肇域彼四海箋云兆域正天下之經界正義云爲營兆境域以至于彼四海也有與域古字通用國語魯語其工氏之霸九有也漢書律厯志作霸九域正域彼四方傳域有也域之讀爲有猶有之讀爲域矣

受命不殆 無俾大怠 不敢怠遑

受命不殆箋云受天命而行之不懈殆者正義易爲懈怠

賓之初筵無俾大怠殷武不敢怠遑字作怠殆與怠古字
通論語思而不學則殆釋文殆本又作怠集解徒使人精
神疲殆疏云疲勞倦殆義作怠周易震六二注震之爲義
威駭怠惰釋文怠本又作殆孟子校勘記舜年五十而思
慕其親不殆孔本韓本殆作怠殆與怠皆台聲

景員維河 伊誰云從維暴之云 云不我可 曷云

能穀 曷云其還 云我無所 云如何里 人之云

亡 不云自頻 不云自中

景員維河箋云員古文作云河之言何也其所貢於殷大
至所云維言何乎正義曰言諸侯大至所言維云何乎箋

以云代員疏以言代云何人斯伊誰云從維暴之云傳箋
竝訓云爲言小明易云其還雲漢云我無所瞻仰人之云
亡召旻不云自頻箋竝訓云爲言何人斯云不我可召顯
不云自中疏訓云爲言四月易云能穀箋訓云爲謂謂卽
言也雲漢云如何里箋訓云爲曰曰亦言也出其東門釋
文員本亦作云正義曰云員古
今字助句辭也正月釋文云本又作員書
秦誓若弗云來雖則云然古本云作員正義員
卽云也皆其證
景員維河 其鈞維何何彼襍
采絲 彼爾維何 吉夢維
何 其告維何 其類維何 其允維何 其僕維何
其穀維何 其藪維何 其贈維何

景員維河毛於河無釋鄭云河之言何也釋文河王以爲
河水本或作何案箋云河之言何以河爲何之段借經文
不當作何王肅以爲河水名曰申毛實則難鄭何彼禮矣
采薇斯干采綠旣醉韓奕皆有維何之文維河卽維何也
下文百祿是何字作何此作河變文以韻句河何古字通
用逢盛碑無可奈河吳仲山碑彌余感痛奈河皆以河爲
何隋龍藏寺碑以河人爲何人爾雅校勘記何鼓謂之牽
牛單疏本雪牕本注疏本同唐石經元刻作何後改作河
史記漢書作河鼓詩正義引李巡孫炎注同錢大昕廿二
史考異後漢書順帝紀揚州六郡妖賊章河等天文志作

章何馮登府唐石經考異公羊傳文四年其謂之逆婦姜
于齊何石經何作河案詩碩人河水洋洋楚辭注作何水
油油蓋通借字

幅隕既長 景員維河

長發幅隕既長傳幅廣也隕均也箋云隕當作圓圓謂周
也小字本釋文隕音圓正義釋毛云今使中國廣大均平
既已長遠矣又云鄭以隕爲圓言中國廣大而圓周也案
正義誤也毛云隕均也均徧也鄭云周也周亦徧也毛本
讀隕爲圓而不改其字鄭卽毛義引伸之曰隕當作圓非
改毛也釋文但云隕音圓不分別毛鄭是矣圓字古亦作

員說文口部圓圖全也讀若員予鳥景員維河傳云景大員均也釋文員毛音圓員爲圓之省文隕爲員之增文

昭假遲遲 迨我暇矣 憚我不暇 朝夕不暇

昭假遲遲箋云假暇其德聰明寬暇天下之人遲遲然言急於已而緩於人釋文假古雅反鄭云暇也徐云毛音格鄭音暇案王肅訓假爲至格是王音也沈云鄭箋云寬暇以此義訓非改字也案沈說非也徐云鄭音暇是也鄭云假暇以義該音皇矣箋天須假此二國釋文假本又作暇假樂君子假以溢我釋文並云假音暇列于力命篇行假念死乎注行暇音何暇又黃帝篇試語之有暇矣釋文暇

本又作假亦音暇字文選王仲宣登樓賦注引賈逵國語
注曰暇閒也暇或爲假楚辭曰聊假日以消憂皆假暇字
通之證伐木迫我暇矣小明憚我不暇何草不黃朝夕不
暇字作暇

昔在中葉 本支百世 不顯亦世 世之不顯 世
有哲王 世德作求 在夏后之世 世執其功 永
世克孝

昔在中葉傳葉世也案此段借也說文葉从艸聲葉从世
聲左氏昭元年傳其季世曰唐叔虞文選曹植與吳季重
書注引作季葉是葉世古字通用易井渫不食史記屈原

傳作井泄不食民勞傳泄去也說文玉篇皆云濼除去也箋云泄猶出也發也文選七發注引詩箋作濼發也葉之通作世猶濼之通作泄矣文王本支百世不顯亦世世之不顯下武世有哲王世德作求蕩在夏后之世崧高世執其功閔予小子永世克孝世與葉今古文之別也

實維阿衡 兩驂不猗 有實其猗

實維阿衡傳阿衡伊尹也箋云阿倚衡平也伊尹湯所依倚而取平故以爲官名案阿與猗通漢外黃令高彪碑稽功猗衡字作猗車攻兩驂不猗正義云兩驂之馬不相依倚節南山有實其猗箋猗倚也說文自部阿大陵曰阿从

自可聲一曰阿曲卑也犬部猗猗大也从犬奇聲阿猗訓
倚皆卽倚之段借猗與倚古皆音阿偽太甲惟嗣王不惠
于阿衡偽孔傳阿倚衡平正義云古人所讀阿倚同音毛
詩古音考詩本音皆云猗音阿大陵曰阿是阿有長大之
義曲自曰阿曲則有柔順之義節南山傳猗長也隰有萋
楚傳猗儺柔順也皆讀猗爲阿

采入其阻

唐石經宋十行本小字本相
臺本並作采毛本誤作采

濟有深涉深

則厲

就其深矣

深谷爲陵

如臨深淵

維其深

矣

匏有苦葉濟有深涉深則厲谷風就其深矣十月之交深

谷爲陵小旻如臨深淵瞻卬維其深矣竝作深唯殷武架
入其阻字作架此毛詩古文也他經未有架字說文解字
注曰突深也此以今字釋古字也突深古今字隸變作架
深深行而架廢矣毛詩架入其阻傳曰架深也此以今字
釋古字而許襲之鄭易架爲架訓爲冒以字形相似易之
作音義者當云毛作架式針反深也鄭作架而規反冒也
說文架作突架作架乃爲分析

大徐於說文換
突竝音式鍼切

勿予禍適 室人交徧謫我

勿予禍適傳適過也案適讀如謫北門室人交徧謫我傳
謫責也過與責義同適亦訓責禮記昏禮適見于天注適

之言責也史記蘇秦傳適燕者索隱適者責也廣雅釋詁
適賁也說文玉篇並無譴廣韻二十一麥始收譴字爲譴
之重文不古甚矣說文言部譴罰也此訓賁之正字適借
字譴俗字孟子離婁篇人不足與適也注適過也詩曰室
人交徧適我知北門譴字漢時止作適後人加言於其旁
漢書嚴助傳迺發適戍以備之師古曰適讀曰譴左氏桓
十八年傳公譴之齊風南山序箋引作譴小字相臺本作
適五經文字言部譴經典或从適又借適字爲之